

## **TAČKA 9. Informacija o realizaciji zaključaka Upravnog odbora UPFBiH vezano za fiskalne i druge zakone i dogovor oko narednih aktivnosti**

- Upravni odbor UPFBiH već skoro osam godina uporno radi na rješavanju pitanja fiskalnih zakona i politika u FBiH. Pitanja su otvorena još u mandatu prve Vlade FBiH premijera Nermina Nikšića, a nastavljena tokom svih sedam godina Vlade FBiH premijera Fadila Novalića. Upravni odbor UPFBiH više puta donosio odgovarajuće zaključke koji su se odnosili na analizu stanja, pripremu i implementaciju seta fiskalnih zakona, saradnju sa vlastima, sindikatima, nevladinim organizacijama i medijima.
- Krajem prošle godine svjesni očigledne nezainteresovanosti i neodlučnosti vlasti da se suoče sa ovim reformskim procesima i propisima, Upravni odbor UPFBiH zaključio je da se do donošenja sistemskih rješenja vlastima predlože određena privremena rješenja kojima bi se omogućilo poslodavcima da u granicama svojih mogućnosti podignu plaće radnika do 400 KM, a pri tome vlasti bi omogućile da se za taj uvećani dio poslodavci oslobode plaćanja poreza na dohodak, odnosno da plaćaju samo umanjeni doprinos iz PIO (Prijedlog Zakona o dopuni Zakona o porezu na dohodak i Prijedlog Zakona o izmjeni i dopuni Zakona o doprinosima).
- Zakoni iz prethodne alineje pripremljeni i prosljeđeni Vladi FBiH u proceduru, te razmatrani na Ekonomsko-socijalnom vijeću za područje FBiH, koje je usaglasilo i jednoglasno usvojilo zakone uz zaključak da se prosljede u dalju parlamentarnu proceduru.
- UPFBiH dogovorilo sa pojedinim zastupnicima upućivanje zakona u parlamentarnu proceduru i kao ovlaštene predlagači bili su Admir Čavalić i Irfan Durić.
- Nakon toga uslijedila **četiri pokušaja** za uvrštavanje na Dnevni red sjednica Predstavničkog doma PFBiH, svaki put završena neuspješno.
- Tokom cijelog postupka UPFBiH uložilo ogromnu energiju u naglašavanju važnosti ovih zakona, kao privremenog rješenja do donošenja trajnog rješenja.
- Cijelo vrijeme obavještavali smo javnost, institucije, sindikate i dr. da su naši ključni ciljevi sistemska rješenja u oblasti fiskalnih politika, ali da vrijeme očigledno prolazi, a u međuvremenu se u čitavoj BiH, ali i šire javio veliki problem nedostatka radne snage, te je intencija UPFBiH bila, pored ostaloga, i da se „uspori“ odlazak radne snage zbog niskih plata, standarda i besperspektivnosti.
- S tim u vezi, UPFBiH je održalo veliki broj sastanaka sa premijerom Fadilom Novalićem, a potom i premijerom Nerminom Nikšićem i članovima Vlade FBiH u oba mandata, rukovodstvom Predstavničkog doma PFBiH (predsjedavajuća, zamjenica predsjedavajuće), velikim brojem zastupnika, rukovodiocima poreskih institucija, sindikatima, nevladinim organizacijama i dr. (i reakcije su uvijek izuzetno pozitivne).
- Prije izbora obišli skoro sve političke partije i javnosti i svim zainteresiranim prezentirali naše prijedloge rješenja - dobili nepodijeljenju podršku i obećanja vlasti da će se pristupiti usvajanju ovih privremenih rješenja do donošenja sistemskih.
- Nakon izbora najavili se i obišli nove parlamentarne političke partije. Također dobili bezrezervnu podršku i pohvale za ponuđena rješenja.
- Također, održali brojne sastanke sa premijerom i resornim ministrima gdje je ponovljena ranije data podrška za usvajanje ovih zakona.

- Delegacija UPFBiH održala sastanke sa predstavnicima međunarodnih organizacija i institucija (MMF, Svjetska banka, ambasador Sattler i njegovi saradnici, ambasade pojedinih zemalja u BiH) - prezentirali problem i dobili podršku.
- Održali niz sastanaka sa predstavnicima sindikata iz realnog sektora i dobili nepodijeljenu i punu podršku, kao i prilikom usaglašavanja naših prijedloga na Ekonomsko-socijalnom vijeću za područje FBiH. Održano više zajedničkih press konferencija i medijskih gostovanja na ovu temu.
- UPFBiH uložilo ogromnu energiju u medijskom predstavljanju ovih pitanja i s tim u vezi održalo veliki broj press konferencija, TV gostovanja, dali pisane izjave i saopštenja na web stranici, portalima, i sl.
- Povratne reakcije radnika, sindikata, vlasti i javnosti tokom svih ovih aktivnosti bile su skoro 100% pozitivne.
- Obišli teren širom Federacije BiH, razgovarali sa članicama Udruženja, privrednicima i vlastima, te ažurirali prijedloge zakona (u odnosu na referentne datume iz zakona, i dr.) i ponovno ih tako dorađene upućivali u parlamentarnu proceduru.
- U međuvremenu, nakon više od sto dana rada nove Vlade FBiH i naših pokušaja da konačno u Parlamentu FBiH otvorimo raspravu o ovim pitanjima, na zadnje dvije sjednice Predstavničkog doma Parlamenta FBiH nepodijeljena podrška počinje se pretvarati u „šutnju administracije“, a u konačnici i neizglasavanje za uvrštavanje u Dnevni red dva „privremena“ zakona.
- Tokom zadnje održane sjednice, Vlada FBiH je dostavila pismo predsjedavajućoj Predstavničkog doma Parlamenta FBiH Mirjani Marinković-Lepić kojim predlažu Predstavničkom domu neuvrštavanje prijedloga ova dva zakona na Dnevni red te sjednice uz obrazloženje „s obzirom da će Vlada Federacije Bosne i Hercegovine, u najkraćem roku, uputiti u parlamentarnu proceduru set fiskalnih zakona, koji se tiču rasterećenja privrede...“
- Udruženje poslodavaca u FBiH, a ni javnost generalno u ovom trenutku nema nikakvu informaciju ko priprema ovako važne reformske zakone, čak ni koje ministarstvo priprema, na bazi kojih principa i koji su rokovi za njihovu pripremu, upućivanje u proceduru i usvajanje.
- Udruženje poslodavaca u FBiH nastavlja sa insistiranjem na privremenim rješenjima do donošenja trajnih rješenja, ali isto tako i na pripremi principa koje ćemo zastupati u slučaju da vlasti uključe Udruženje u rad Radne grupe za pripremu ovih zakona.
- U slučaju da Udruženje ne bude uključeno u Radnu grupu i da predstavnici vlasti nastave samostalan rad na pripremi zakona, principi i stavovi Udruženja koristit će se za javne stavove i istupe Udruženja, komunikaciju sa vlastima, i dr. nakon što budemo upoznati sa tekstovima zakona.
- Udruženje je nakon terenskih konsultacija unutar fokus grupa i sastanaka Pravnog i Ekonomskog savjeta analiziralo postojeće stanje i okvirno pripremilo nacrt principa, pribavilo stavove članica sa terena i planira odmah nakon godišnjih odmora zakazati tematsku sjednicu Upravnog odbora UPFBiH vezano za principe.